

悅

親

樓

詩

集

悅親樓詩集卷三

起乙酉訖丁亥

海寧祝德麟止堂

古今體詩六十六首

寄夢樓臨安雷峯武昌

尺素殷勤託羽翰  
滇雲楚雨寄教看  
碧鷄關外猿應苦  
黃鶴樓中笛亦酸  
萬里傷心分手易  
百年知己到頭難  
冰廳月照紅梨樹  
花影垂垂過曲欄

移居接葉亭四首

鳳城街巷僦居頻  
寸草階除不放春  
一畝爲園堪小隱  
十年種樹爲何人  
偶探勝蹟懷前輩  
亭爲湯西崖少宰故居  
難得幽棲遠市塵  
食指無多家具少  
本來新進易謀身

懷清遺集句深雄文采風流更孰同人以壺觴來此地  
天教香葉待詩公

仁廟賜和公文官果詩有叢  
香葉密待詩公之句文官果樹至今

猶存爽鳩樂事消磨後振鶯清標想像中

黃崑圃先生懷

鶯者先生容也草木至今爭愛惜閱他多少寄居蟲

喬林翁鬱竹檣欒客裏真宜借景看

覬兔自營三窟狡

鶴鶲惟覓一枝安晨興絜膳華趺覩晏坐吟詩石骨寒

閑步苔階攀綠幹老紅狼籍蝶衣園

軒窗晴雨總相宜俗韻都除不待醫鶯似有情啼亦緩  
花如無恨放何遲常因迎益教開徑爲要忘機罷賭棋  
共說長安朝市地盍簪幾輩得心知

擬古十二首

駿馬畏鹽車遊子畏長途長途紆且折送者臨路衢昔時高堂上親戚同歡娛今茲遠行邁涕下衣裳濡濡衣不能止征駕去萬里孤鴻念舊羣客燕思故壘俯矚流水波仰視驚塵起欲敘平生親寸心已先死海水不上天絲綸不禦寒相思竟何益渺隔浮雲端北斗變節候掩臥摧心肝夢中一相見但道勸加餐

皓月自在天流輝遍九州清光一萬里墮我最高樓樓高不可越月光不可掇所思遠離別輾轉腸內熱獨抱區區心原弗求君察

客從遠方來遺我雙盤龍古書一十二斑駿土花濃不知何年物持照當春風不見舊歡色但睹新瘦容誰撓

鏡中影美好長無窮

涼颸扇清夕大火流西垂衆卉萎以綠胡蝶雙雙依蕩  
子行萬里佳人守故幃四時自有序不覺凜列催傳聞  
天山雪八月如花飛切切鳴哀杵軋軋理寒機紛紛動  
刀尺密密縫裳衣不知腰寬窄尚準舊帶圍臨秋一緘  
寄君待春風開

灼灼桃李花顏色如人面綠葉附其條輝光相隱現無  
言下成蹊頓覺眾芳賤一聞鶗鴂鳴花落無畱片蟋蟀  
吟西階樹葉又零亂莫作葉與花願爲枝與幹枝幹誰  
來賞時窮節乃見

攜筐采蘭杜躑躅河之曲馨香觸手來終日不盈掬蘭

杜有謝時開春復故綠盛色無十年焉得長如玉  
銀漢當天心橫長如匹練西有織女思東有牽牛怨一  
水萬里遙再面雙秋換天上亦離愁何不桑田變

少年負意氣寶劒千金收辱身郡邑吏齷齪非吾儕鴻  
鵠四方志不隨燕雀謀區區耳目前細故安足讐秦中  
甲第盛洛中冠蓋稠驅馬竟前去談笑無王侯朝遊酒  
家肆暮宿倡家樓揮金動百萬錦綺爲纏頭眼見金張  
屋倏忽成墟邱

盛年不可再歡樂在一朝呼酒召賓客入座皆賢豪百  
壺傾美醞方丈羅珍肴蘭燈曜珠翠綺席倚長妓秦箏  
雜燕筑激響何嘈嘈陽阿呈妙舞倏若迴風飈快意貴

所適千祿真斗筲朱紫日磬折宦海浮牛毛榮華旦暮  
耳零落安能逃世人妄不學乃慕王子喬

白雪固皎潔日出不成妍烈火固烜赫薪盡不能然人  
命如宵燈憂煩徒自煎千齡萬古情焉得盡目前登高  
臨大陸四野茫茫寬困獸畏密罟傷禽驚急弦車馬正  
馳逐不知何所干俯仰念親懿喟然獨寤歎

鬱鬱松柏姿培塿非其所翹翹鳳皇羽枳棘非其處人  
生一世閒倏若夏田雨致身會有時得志宏建樹諡號  
榮竹帛子孫耀珪組豈知原憲子弦歌出環堵

入門無與歡出門無與言驅車率曠野但見邱與墳長  
眠松柏下一故不復新生前若華燭死後如浮塵筋骸

弗能固榮名安足珍及身不可必必之異代人明德抗  
先哲高言揚清芬杳杳黃泉下夷謐同等倫

奉和館師尹望山相國繪春園襍詠用杜工部

遊何將軍山林韻十首之作

昔作乘龍客今成再渡橋

公爲鄂文端公之壻文端居此園時公會假館

元顥

初點雪稱木盡摩霄位業眞相替煙雲不待招要瞻  
天咫尺畫接未迢遙

平泉新拜賜坐攬四時清寒放長生鹿暄飛上苑鶯  
菊花容釀酒梅子待調羹自愛斜陽好沙隄向晚行  
獨樂還同樂筇藜聽客支春風多入座活水自成池藻  
密魚於勃林深鳥不知衛公惟好學朝退一編披

四十年耆舊天涯遍看花行春蓄襦袴治水奠龍蛇霖  
雨膏原渥甘棠蔭自賒卽今黃閣返遺愛在人家

天教休沐便園傍禁牆開有樹皆棲鶴論花只欠梅

門生問難至

帝子

起居來

八子

福晉

皇雛鳳桐階立

金貂滿綠苔

公四郎樹齋官少宰

五郎雨林充侍衛

昔日迎鑾駕棲霞剔石泉松排濤謾謾雲接岫綿綿

疏鑿關詩竅經營損俸錢須彌同芥子懷抱有山川

正值黃花節相看傲晚香鳴謙知止足

原詩有苟完隨處好在得老年

多之懷舊感淒涼

原詩有感舊句

恩比川方至春來塢可藏

冰淵老彌篤有道鬢睂蒼

水亭舟不繫

公於兩江節署構不繫舟

卽是習家池不用騎驄馬常

來岸接離登龍誇謝客

謂袁簡齋諸君

浴佛說吳兒

公於四月八日生辰

剩底江南物惟餘月影隨

變理調元化廣歌叶慶雲達尊尤重德不朽豈惟文髦俊渝茹彙光陰惜寸分扶輪大雅在餘子敢紛紛芸館師資近鈞陶幸若何公奉習庶吉士命教神斤雕朽易寶筏指迷多吏事聽談論閑情及咏歌成陰桃李徑我是熟經過

尹公子慶玉移居南院有詩索和

槐花陰裏雨聲涼隔院移家僕婢忙幾兩剩攜雙蠟展十三分取一經箱尹公子亦如鄧禹之數門對隴沙仍自環門徑宮柳欣看過禁牆禁牆門對笑殺長竿懸犧鼻北隣方曬繡衣

中華書局影印  
卷之三  
十一

宴

謂令弟樹  
蕭侍郎

九日招錢蓀石學士畢秋帆修撰曹竹虛編修  
程魚門王蓬心兩舍人集亭上

宵遣林亭笑我頑重陽那忍閉柴關座多前輩天然敬  
酒爲詩人不敢憚腕底丹青餘粉本蓬心善畫眼前蒼翠少  
煙鬟從今併算登高債待到歸時踏萬山

送澠亭養疴歸里三首

春明送人憒那復悵別離忽聞程回去淚落盈金卮君  
歸閱兩年今來怪已遲如何席未暖又欲辭京師似彼  
南賓雁來往不知疲挽留乏良策祖送多苦詞君家美  
田園堂上熙春暉子姪各嶄嶄兄弟方怡怡聚書逾萬

卷俯仰樂可知浮名一率帥奔波無已時北風塞上來

吹我櫟樹枝因君意悽惻江南有庭闈

君昔微省直不獨文翰工迴翔樞庭內出入禁闈中

姓名達

天子諮詢煩上公行圍扈豹尾騎馬如游龍我雖未及見至今人稱雄胡爲改館職遽成可憐蟲商廄感蕭殺病骨增龍鍾陳琳檄雖佳不能愈頭風兩臂又酸楚德若新豐翁得非條冰銜能祟詩人窮眼前少和緩卽事難從容努力慎眠食前途霜正濃

論年君倍差

君凡長余二十七歲

豈惟兄事敬龍頭與驥尾雲路

繆驂乘前秋君請假我亦方親迎歸帆亂如織各趁西

風勁往還櫂淮水兩過荻莊徑每當池上酌魚鳥亦助興酒闌判袂時細雨隔燈檠誰知新舊歡此日總難并翰林本閑官進退可聽命君如霍然起早放潞河榜不則且淹留安心得去病聚散如搏沙那能後會定

人日大雪

鳥啼啞啞黃雲重簾幙未知春色動天公有意補不平倒潑銀瓶遍流禾天山之西膝六來兩手援下扶桑灰隨風飄墮一萬里夜半壓破軒轅臺去冬田疇無不被三白已表豐年瑞飛揚又見入新正冀莢纔滋七葉翠句芒司令最綽約欲向枯條著相萼爲憐花事減江南故教并作寒梅落此花六出亦自芳但恨不作幽枝香

階前可掬不可顛暫得一夕留輝光此時詩人坐竹屋  
一點不染紅塵俗略彷彿之快雪書難賡宋玉陽春曲  
友人四十始娶詩以調之

獨臥匡牀慣曲肱春風初半玉河冰白鬢爲壻孫明復  
黃髮求郎謝阿承甘蔗味宜嘗老境枯楊梯早兆祥徵  
明年湯餅筵開日半臂還應費紫綾

同年李雨邱調元繆題拙藁六百言卽用其韻  
奉答

酒旗張蝥弧詩轡催控磬少年狂態發都仗才華盛憶  
昔金門遊章句浪投贈心折西川李磁芥交纔訂前春  
翹材館忝附彈冠慶矢音詞苑職唱和壎箎應中原師

武場掉鞅每角勝君才十倍我馬騰士氣橫喧嘩江漢廣  
揭揭鶴鵝勁舌疑風雷搜筆怪戈矛并一鼓善作氣  
三躍憤超乘湜其走且僵虎或帥以聽涼風吹客思中  
夜念溫清東裝僂請告飛鵠背斗柄鴛湖煙雨迷鶴市  
鶯花靚吳苑恣遨遊秦樓禮親迎書來怨離索妙句得  
王孟潮聲與樹色摹肖鄉村徑君甲申見懷詩有樹色濃園屋潮聲夜到門之  
句飛鴻到海角動我春明興攜家共西笑舍館城隅定  
古亭有佳致偶爾寄微詠揮灑卅二篇連吟復迭賡君和  
余移居詩凡八疊韻韻揮埽一日而畢得意忘筌蹄推陳洗餌飭更索別後  
詩裁鑒辱題評鳴呼三百篇炳煥星河互輪輿規矩設  
珠玉方圓孕正始已微茫舉目苦眩暝青天不可補滄

海不可期弗瞻岱嶽尊培塿肅起敬弗饗太牢味餕敗  
噉何病匡山讀書臺飯顆相輝映排雲一叫之此醉幾  
時醒秀啓華乃披膏殘馥亦曠誰能力擺脫庶幾効磨  
瑩化工具妙理介石有完性蘭廉見莫避邢尹生原竝  
異趣任譏彈同聲貴執諍相期惟一言放鄭如遠佞

散館 圓明園

廷試恭紀二首

筆札紛綸給尚方觚棱鴛瓦曜初陽階前柳颭千條弱  
壁後松排萬樹蒼比翼扇開翬燦爛自鳴鐘奏樂鏗鏘  
玉皇案下差肩坐定有連珠疊璧章

玉趾親臨看染毫

清光切近柘黃袍

國書勉就三餘習華袞榮叨隻字

袞

藁

覽訖連稱賽音

音者好也

終賈年齡慚質弱

崔盧姻眷豈門高下情一一通

天聽

上

垂問年籍家世

臣既奏對

微賤何因得此

遭

### 虎城觀虎歌

虎城形勢何蕩蕩未到已覺腥風張垣高十仞廣七筵  
面以鐵網周遭障一虎蹲踞伏不鬪猶作負嵎歛飲狀  
一虎似喜近人氣睭眇睭眇昂頭望旁有一豹怒豎尾  
盤辟往來神較王誰能探穴戲編鬢人虎相視兩無恙  
欲觀其武以內投懸之網隙游絲游脾睨初若意不屑

倏忽傳翼飛而捲一聲雷吼盡辟易回顧內已無寸畱  
咆哮那肯搖尾乞憇欲出柙解拘囚漫云積漸自馴擾  
檻寢中未雄威收蠻奴事虎勤且慎晨起設食暮除糞  
怪他豈是馮下徒不畏爪牙敢瞻近詎知虎亦有後庭  
轆轤巨絰懸門閭驅令入內下闕鍵然後次第爲儲頓  
帖標兩爐所自來某年月日名王進方今

聖人坐明堂采遠服猛包八荒神臯不廢熊館設戎索  
無俟龍堆防但徠大宛朱汗馬不數穆滿雪色狼畜養  
聊答雁臣意豈貴搏執誇中黃昊蒼況復縱

神武每歲行圍集番部千三百騎環周陸齊見  
君王親殺虎除暴正以安善良此虎偶倖逃槍弩欲知

率土四靈游請看兩階百獸舞

弔吳僧二首

并序

蘇州僧離幻結茅於虎邱鄰短簿祠顏其扉曰且  
喜到來入門修竹繞廊襯花滿砌折而北有堂三  
楹啓牖見後山東西列盆景數十蒼松怪柏拳石  
小山都成縮本又折而東爲禪房庭前寶珠山茶  
一株宋時物也壁懸數十餅案列茶壺數十具皆  
宜興名手所造盤盛數珠十餘串大率菩提子櫟  
栗果核之屬光潤可鑒藏明人書畫扇二十柄客  
至不拒亦不甚加禮其生平所款洽者無錫嵇尚  
書袁簡齋大尹及余三人而已僧少遊俠好歌曲

以喉舌走諸侯閒如蘇崑生之流四十後始出家  
余識時年已七十有三每當湖船宴集優伶襯坐  
曼聲閒作僧敲鐵綽板唱大江東去旁若無人響  
振林木陰陽抗墜不失累黍聞者如羯鼓之解穢  
滿座爲之屈服尤工蒔植精茗戰凡無名花草經  
其手種無不活手插無不鮮豔茶壺終日摩弄光  
澤如夏商彝器若者宜建溪若者宜顧渚秩然不  
可紊雖盛暑經信宿味不變也甲申之秋余將北  
上僧盡出所有以贈余笑而却之受其時大彬製  
小壺一具橄欖核雕十八應真數珠一串旋送余  
至揚州而別逾年吳人來詢知僧廬燬於火其珍

玩盡爲灰燼山茶枯死而僧亦隨亡矣天下物聚  
於所好久則必犯造物之忌是區區者屬之方外  
而猶不免於厄況人世之營求無厭者耶悼惜不  
已作詩弔之

竹林花界裏茶烟曾埽蒼苔借榻眠回想招提風月境  
本來無物亦無禪

何事天公敕六丁不留錫杖不留餅道人寂滅名難滅  
尚有才人摸塔銘謂簡齋

題申南屏

發祥

停車圖二首

時南將宰蜀

髯翁興發多清句每到秋來興更癡曾向匡廬深處宿  
墨磨飛瀑坐題詩

邛坂懸傳叱馭風一官西去舊遊空停車要問斯民苦  
不爲霜林變晚紅

中秋亭上翫月二首

十二盈虛月今宵比並難滄溟無際碧落挂團圓輝  
午微茫徹輪斜眾影寒燕山桂花少試向此中看

那惜侵風露將眠却復休未知明歲事又是一年秋烏  
鵠翼無定星河光自收此時懷遠者滅燭思悠悠

送房師趙甌北先生出守鎮安一百韻

入海藏才數堂堂得我師廟廷瑚璉器巖壑杞櫟姿襟  
抱淵難測文章數不奇盛年殊卓犖早境值艱危劍瘞  
豐城獄珠沈合浦涯管寧床獨坐徐孺榻誰施一室如

懸磬全家只立錐交賢情汲汲講學力孜孜擲地空孫  
綽噓天類子綦雲霄雖自隔泥滓豈能羈隱霧毛初澤  
搏風翩乍披鶴鳴聞自野鴻舉漸于達詞賦矜父手科  
名喻摘髭光爲九苞羽瑞比萬年芝紅藥絲綸閣黃麻  
典誥司上公欽藻采樞院借華資戴月趨青瑣籠燈退  
赤墀深嚴機不漏參酌算無遺才罷螭頭直旋催豹  
尾隨木蘭秋猶日趙北水圍時膳自天厨撤駒從內  
廄騎和詩行木末起草立河濱偶爾稱名姓煌然冠等  
衰比肩心折服側目語瑕疵邂逅嘲雞樹推擠奪鳳池  
未妨胸灑落寧挫骨權奇干莫鋒終利璠璵價不貲十  
年辛苦地三策治安規掉鞅雄無敵探花望略虧謫仙

呼白也才子識微之鈴索風來靜觚棱日上遲洞簫宮女誦蓮炬

御床移點竈典謨體鋪張燕許辭壺盧羞

畫樣草藁戒存私筆本如椽斲腸疑有柱楮漢書編郡

國周索拓邊陲步必窮章亥名還攷某誰班班指諸掌

歷歷燦於眉

先生應奉代言文承修一統志

校閱朱衣點虛公玉尺

持鵠袍願此日鴻爪感前期

先生分校日有秋閣集詠詩數十首永叔文

懲怪昌黎道起衰珊瑚皆入網鳩鶯亦捨枝每讀長城

集如逢造化兒五車多貫穿對仗少參差弔古懷尤壯

張軍敵盡羸鍊餘剛可繞熟極巧能滋涉咸眞酸鼻言

歡定解頤化機新耳目春氣沁肝脾直欲偷任格何人

拔趙旗偶當投轄會交口倚樓推繡刺鍼神線枰敲國

手棋袖長因善舞肱折是良醫酷愛翻叢簡渾疑飲漏  
卮搜奇微豕誤得閒補魚麗先生著有陔餘叢考數十卷識小奚妨

大餉醇乃棄醜麟原珍獨角羊或賤千皮餘子何煩數

斯文實在茲才名天下滿經術

聖人知正屆繁霜節俄躋湛露詩專城從臥理顧闕

忍飛馳堠館峯崔嵬川郵浪渺瀰渡湘寧泥竹泝漢采  
江蘿努力調寒暖徐行度險巇桄榔遮嶺徼蠶蠻放番  
夷瘴起黃茅徑悵闌黑箐離修蛇舌甜淡毒草葉葳蕤  
鼙鼓砦樓擊樟枿土竈火霧衣常有霧環嶂卽爲碑地  
界中華盡墟場外國毗蠻嬪歌嫋娜猺戶語侏儸郡僻  
稀迎送民馴易撫綏過時應叱馭到處好褰帷樸魯同

懷葛文明化孔姬從來風氣轉只在長官爲自古無題  
詠如天特賦脂待編石湖錄范成大帥粵著有駢鷺錄兼著柳州碑

琴鶴家聲繼蓬瀛物望宜初膺南面寵苦念北堂慈家  
近梁鴻宅舟維季札祠稱觴逢母慶舞綵效兒嬉畫錦  
詞堪羨羞蘭更足怡鄉間欣款洽寮友悵分離弱質慚  
桃李虛名占斗箕不材甘作樸有用憚爲犧馬坂曾垂  
耳龍門再暴譽自邀一顧重奚啻萬閒窺瓢影隨趨步  
衣塵變素繙爲山學裏覩觀水認瀾漪良匠難遭石神  
工況琢倕曾參年最少賈誼秋猶卑往往叨噓植時時  
奉誨詞豈惟銘翦拂差免笑諭癡祖席風生粟征衫雨  
著絲先生今去矣弟子益淒其敢把新愁訴空將往事

追銜恩身未報述德手須胝邑管懷人遠盧溝惜路歧  
驛香長自熟好爵盡子忍切容糜著述無窮事淵源有始  
基只應望南極重疊寫相思

聖駕巡幸天津詩

謹序

臣謹按古者天子歲見吏民春月則敕有司修利  
隄防行慶施惠用道陽氣著爲懿典我

皇上習祥展義度功淮苗四在南服河海大工闢不釐  
舉天津者禹貢冀州之域也置郡分守昉自

憲皇爲神臯左輔河淀諸流匯茲入海往者六飛南  
遙以稍紓川郵未慰民望茲於三十二年之春特  
啓鑾輶而臨幸焉履視隄閘濬堙培庫示機順

軌越二旬歲事盡力溝流昭其勤也能免儲備昭其儉也省刑譴租昭其仁也揆文奮武昭其宜也養老度俟昭其禮也自上下下

聖澤無量榮鏡四海臚驩祕道在昔成周震靈有邦懃求肆夏作爲雅頌被之金石告功神明

皇上至德如天超軼文武

臣職司紀美目睹盛典如

驚霆啓蟄春風發萌有不能自己於鳴且達者爰竭恩恤敬謾四言詩一篇以獻凡千二百八十字

其辭曰

於鑠維

清景命肆申昭哉

列祖育我烝民我

皇求德紹繹絲懃夏遊作度虞絃解愠

叶

翼翼京師百

度維新宅方表正箕尾次辰燕王趙癸義圖協靈

叶

馮

翊所治曰析木津冀充下料河漢印貫

叶

漕輸駱驛軌

道用循昔爲衛服今作大蕃川陸都會畿譬京身任土

作貢上腴利均詰兵設險天府勢尊出其東門海光如

銀蕩雲沃日迴乾幹坤濬陽通粟元蕘達琛

叶

橫流逆

折海河是名

叶

百川澆澗沸渭汾沄粵稽九河故道瀕

淪夾右碣石依約海濱被漸橫溢王薛斷斷地有改利

此則弗論枝流汎滌刷寶澹涓雙亹掣領五閭羅鱗夏

閏冬啓濟汲溉田有淺者淀滄流之西

叶

雍奴瀛鄭派

尾星陳清河入九噓喻無垠若網在綱若齒子脣白洋  
大港絲窩茅灣名弗能記狀弗能殫太沖掘鯉厥跡久  
堙宋遼塘灘往往猶存夾河中界緯委經源東流就下  
滻湉漫汙三岔轡轉四股連犿一帶千里長隄蜿蜒何  
楊修築歲久弗完旣培旣浚于創于因濶九十九子牙  
戒南叶滹沱洞湫潭釜飲歟孰敵衰旺孰辨澄渢格隄  
肇建垂虹蟠蟠直沽渟洿釣臺巒嵒上源經軌下流就  
班曰閼爰闡曰防爰墳捍表護裏撤潭捐漬魚鳧物族  
蘊藻鋪棻滌滌浟湥渙渙泛泛叶繫彼靈長河洛所先  
聖人勸恁鞠謀載宣靡遏不遂靡幽不闡叶灑沈拯溺  
四駕南中叶金隄底績石檣安濶順時行慶匪事遊盤

密邇左輔水郵弗臻吏民歲見濬澮未親延頸內面溪  
幸彌殷於皇

聖祖法乾健行叶展軒河泊求莫孔勤襲熙瀉洽比去聲

于世宗叶桂旗榮斐豐碑垂訓叶我

皇祇迪繩

武紹

衣叶量偕海運澤與春溫湫渭江介圈不推恩豈伊赤  
縣獨外時巡廻謫令冕載啓

龍旂叶

紫闈敬告古沃切說于郊原蒼威奉御青祇扶輪柂桓奕

奕羽衛鄰鄰未臻沾濡先渡桑乾波棲乍半靈雨清塵  
條者綴萼絲者含英叶 蔓葉滋綠餧彼如雲典重勸農

禮治省春淵然圓湖汎爾紫泉際乎趙北一鏡浮天津

彼楫之鵠狃山連柳荑莊阤橋影闌干

雲芝容裔東

薄瀛墻步步弭節水嬉匪歡先憂後樂急民之患柔經

所紀禹貢所傳披圖按籍苴罅補偏二淀旣翕勿闕勿

奔金門是泄玉帶是遵泥池霧塞渠口雲興叶 提封渚

蓄廬井相輶聿有三灘鴻溝中分澗焉暴漲噴薄四吞

捄之度之民捍其生叶 至仁軫恤弗遺一村窮惱疾

苦爰咨爰詢互斷彌鞅禹德其遠叶 殖我青疇耗我

雲孫子牙并瀨逆河迴湍控清引濁睿運斯全僕隄

周覽川后效命

叶

藻舟微拂惠風如薰蔣蒲荇茆溼

翠彌痕靈葩蘆蘋好鳥閒關

叶

聖情茂對式宴且忻

奎文麗藻雲漢爲章

叶

升觀旣畢迺入重闈幄雲汗

雨飛墮晝昏冠蓋綰獵闔闈駢闐鬻良襍窳陸海太半

叶

厥利魚鹽揚粵非倫鑿池曝滷弗假牢盆旣庶且富

熙熙攸攸秀者誦義蠹者含淳我

皇崇儉厲俗恭眞帳殿却飾華燈罷然露臺屢費玉饌  
登龜黃屋非心心在民藉厥有黎元童叟芸芸嘔嗁涌  
趯趯躊躇紛就瞻雲日跪拜莘莘謂我

聖主爲天牧人我振我復我卹是憲

皇帝曰愈乘春布和

叶

新稅徵七舊逋全謫詔精錄故

進秩興賢赦過宥罪增弟子員鹺流商筭粟賜高年量  
月餉士計日犒船日給行禦蕙萬算繙日燕庶寮旣醉  
烟煴奉璋薦幣望秩明禋雕鑾鏤粢肝饗報功叶涵濡  
動植周渢幽顯叶篤慶介嘏常常純純若稽虞帝方岳  
肆覲叶夏后疏鑿出民于屯周王時邁懷柔百神岐陽  
冬狩車徒振振孰若我

皇率

祖行仁屬車所蒞樹聲若風叶延洪汪濶醸化溫綸  
光于四海通于神明叶侯其禕而淵雲難讚叶清暉  
爚爚沖抱淵淵敕幾罔教監憲無眚劭勸農治水已事  
而竣慮騷我衆艱屬迴鑾言遵潞渭二流潺潺坦工

截壠綑濤灌川斷潢支港脈絡胥安言蒐  
觀軍遊麟在藪鳴鶴在陰叶嗇夫蹈抃厥角林林叶還朝

璿宮不越浹旬邦畿千里享牢飲醇一德恩漸被符瑞  
紛紜自邇及遠靡閒絃挺翹瞻鼓舞逖聽歡欣二史注  
撰永勒貞珉小臣作頌昭示勿替叶

丁香盛發秋帆中允過亭上談吳中勝遊

蕭齋容易得良辰獨有韶華不擇貧閑寂寥鄉聊守拙  
聲名中允近爲鄰吳歌子夜從頭記燕市丁香到眼新  
多恐繁枝易飄落好憑佳句爲留春

題舅氏查半莊先生竹溪垂綸照

晨興盥顙罷視膳調瀝滌有客攜卷來言從儂自有生

顏其居日

儂自有閑披尋未及竟捧卷啓阿母明玕鬱檀欒曉鏡

涵清濁架屋小於船此閒著釣叟叟面頗相識母猶能

憶否母視笑且歎云此半莊舅自昔荊州公

先生大父以五經卷

康熙戊辰及第五經貽厥後爾舅克承家簡編不去手紛綸穿

宵眇支蔓絕稂莠時添載憑席共載揚雲酒詩才旣雄

驚文力亦沈厚抱負抗前修聲華壓輩偶一中誤副車

半世悲重九託身雲水鄉絕跡功利都投竿本意釣豈

必魚麗畱小子敬識之舅家風可守再拜勿敢忘退而

述諸右

西獄古槐歌

相傳楊忠愍公手植

錦衣老槐狀若怒

今刑部獄卽前明錦衣衛地

云是椒山手種樹連

蟠偃蹇枝相樛但受雪霜無雨露

元修閭主太阿失賊

相曰嵩把天日兩疏空丹汲黯心三年未碧蓑宏丘餘

生呼吸傍幽臺移得孤根向此栽直柯貞幹幹元氣陰

颺霹靂鳥能摧植之臺閣棲鸞鳳采向巖阿作梁棟何

辜亦辱園扉中鴟啼鬼哭長含痛黃昏風起動琅璫月

照清陰一院涼夜义羅刹甘人食愛惜知因員外郎我

思忠貞骨已朽此樹重輕亦何有當時奇毒備籠筐那

有閒情寄榆柳祇因憤激在人心料虎嬰龍奕代欽望

氣不緣獄劙掩招魂直抵江楓深君不見鄂王檜萊公

竹鬼神呵護獸不觸枝枝南向表輪囷個個平安搖翠

綠

閏七夕二首

三旬竟抵一年過河漢微橫澹不波只恐仙家好離別  
佳期翻覺此宵多

神光離合自西東雲幄星橋頃刻空辛苦獨憐烏鵲族  
無端兩度爲頭童

閏七月望秋帆庶子過亭上對奕蓬心適至卽  
景作圖小飲待月作

愁霖七月催早寒六街滑滑不可乾舊雨稀來我不出  
終朝樾蔭交柴關忽聞剝啄聲轉疾開門乃是鮑陽畢  
隔日猶嫌見面疎兩情直似膠投漆輸贏豈惟一著先

能令對局我亦賢

余奕遠不逮秋帆

林閒正聞落子響復來一

客美且鬈無錢沽酒願作畫以畫乞酒猶勝賣收枰磨

墨寫淋漓筆下眼前雙景在德公司馬誰主賓甕頭況

有麴米春畢子竦身孤鶴時

秋帆不善飲

王郎哆口長鯨吞

百榼千觴不成醉明月在天來照人天蒼蒼月浩浩樹

枝明滅隨風埽好景幽棲何處無茫茫人海閒人少酌

君酒聽我歌少時歡樂能幾何故鄉千里共金波美人

欲語隔山河紅顏難駐安期藥白日豈返魯陽戈人生

志願如海瀆有酒有朋奚不足世閒苦樂多不均但如

吾輩皆爲福君不見蟾蜍歷劫有盈虧爲古今人照去

來亭中榜識尚無恙二老風流安在哉

謂湯西厓張南華兩先生今

夕何夕好秋時巨觥在手君莫辭明日以酒祭畫兼祭詩

庭中秋色爛然各賦一絕得八首

秋雁來時色漸加攢紅凝碧散晴霞一年花事尋常過  
看到花闌葉當花

雁來紅

牆根籬角守孤芳幽意難迴蕩子腸欲覓秋痕何處是  
昨宵風露太淒涼

秋海棠

蕭史秦臺去不還空畱色相落人寰染成指甲教調瑟  
聲在求凰落雁閒

鳳仙

已知禦敵無金距豈是登天有錦翰曉著霜華頭盡白  
朝陽猶戴切雲冠

鷄冠

說與南人恐未諳濃香却在雪中含晚涼新浴梳妝罷  
笑折冰姿當玉簪

晚香玉

紅花隱見綠紛披一卷芳心不自持郎若吟成樂天句  
自詩紅蕉

當美人願爲牋紙待題詩

紅蕉

爲爾忘憂獨寄情攜將樹背抵荃蘅如何葉底幽蛩語  
仍是江南八月聲

萱草

恐傷遲暮獨先開曾被騷人愛惜來省識漢宮皇后睡

碧羅衫子試新裁

杜若俗名藍菊

九月晦日得夢樓書却寄

難必壯詞驛使梅秋河竟有鯉魚回葉如白雨空中下  
書自青天盡處來牛犢風清蠻部格弓刀霜厲鬼方摧

頤年 廟略籌邊事露布應需倚馬才

時方用兵緬甸

歲暮雜詠五首

天寒猶戀故時衣海曲三年負釣磯歷歷湖山佳會遠  
紛紛冠佩舊游稀無心出岫雲終嬾有意乘軒鶴亦肥  
情到分途判深淺懷人燈下雨霏微

六詔烽烟百載清胡然蟬臂敢相擇朝廷豈有開邊  
意將士都懷報國誠深入鐵關侵霧潦重標銅柱立  
功名書生擬倚崆峒劍早挽天河爲洗兵

不禁涕淚灑衣紅走馬平陵哭義公楊柳絲多難耐雨  
芭蕉葉大易招風橐餉苦向圓扉納槃水虛祈貫索空  
眼見絳侯尊獄吏驚魂猶繞白雲東

征鴻昨夜到鄉音澤國波連廣莫侵八月衣裳求繭絮  
萬家井竈辨浮沈當官早建安瀾策遊子爭禁陟岵心  
記得往年逢歲歉曾因斗米抱秋衾

漫說文章屬鳳池先民築穫至今垂六鈞弓力須開拓  
一點犀心自合離大雅風流憎豔體清時鼓吹忌哀絲  
欲寄溟涬無窮境只有多師是我師

悅親樓詩集卷三終

壘黃燈校字

悅親樓詩集卷四 起戊子訖庚寅五月

海寧祝德麟止堂

古今體詩一百四首

題嚴鉉泰康子讀書圖

泰康子秀而文眞草力摹王內史丹青似學曹將軍度曲曼聲分秬黍傳杯豪氣陵煙雲有時相對如靜女春花姽婳春草薰焚香鬪茗無不可更能肆志窮典墳示我讀書圖爲繹圖中趣一叢幽篠媚碧溪三間矮屋圍紅樹平林放鹿號雲奔隔磽歸樵乘月度纖塵飛不到深厓洞達軒牕開竹素憶昔讀書松嶺日萬松嶺數丈書院所在興味沈酣思致逸西湖一勺作硯池南北雙峯來架筆

抗懷直與古人期放眼惟知天界闊自從通籍走長安  
馬足車塵空躋躋泰康子爾家乃在莫釐之峯具區之  
湖煙波三萬六千頃天光上下浮鷺鳬最奇傳是林屋  
洞自古藏有靈威書東灣足荷西灣芟前崦諸楊後崦  
盧尊絲滑可采橘酒醕可酣何不囊琴匣劍買舳艤南  
華經離騷賦一飲一石一歌呼吾將從子歸東吳

讀史雜詠九首

歷觀古聖人周公最不幸沖人方滅祚抱負立斧屏羣  
叔骨肉親流言作不靖非天風雷威王亦何由醒曹瞞  
窺漢室許身竊比並厥後明成祖借以盜九鼎生前既  
受誣死後又遭眚詎知光明懷萬古照炳炳質文監二

代官禮書手訂一爲新莽誤一爲荆舒櫻摘埴行步顚  
周道自挺挺從來書中意只有輪扁領

始皇至無道萬古一笑驛揮劍埽宇宙六雄盡鋤剗縱  
其橫暴力乾坤任搏散藐古燒詩書極天起宮殿爰求  
不死藥欲到蓬萊岸山石聽其驅海神服其戰巡遊或  
遷怒舜妃亦遭譴顧盼六合閒何一可忌憚然其創制  
初亦各有所見郡縣一海宇長城備外患皇圖兼帝軌  
聖人不能變自從洪荒來一治而一亂時會之所趨大  
局有改換倘議三代復形勢轉未便損益蓋可知非謂  
累秦善

智如外黃兒勇如秦舞陽智勇克兼濟高齊琅邪王是

皆年十三龍子尤昂藏赤手捕長蛇神色無張皇作事  
固不凡傾倒斛律光惜哉乾阿嫗禍本猶未戢永巷遇  
桃枝千載爲悲傷柰何漢廷上喋喋張辟彊善揣野雞  
意平地跳

平聲虎張辟彊說陳平時亦年十三

舍人貌如花專寵椒風庭婦妹亦並進鄧通不足稱寧  
斲袞龍袖忍令夢寐驚單于且下拜安論老宰衡孔起光起  
第擬宮掖穿冢象園陵權勢侔萬乘問年纔妙齡一朝  
新都侯殺之屍骨橫庶幾赤帝祚弗隨梁山崩豈知長  
樂聖擲階鏗有聲弄兒未受禪漢臘已改變移彼以與  
此天意終懵懵陋哉新室主不如董聖卿誰見漸臺上  
復有朱誦升

易象貴渙羣處士惡橫議嗟嗟東漢末名節亦流弊顧  
厨俊及君豈日非善類標榜各署號已犯朝廷忌太學  
二萬人減否立同異國事近把持八公卿爭附麗致令刊  
章捕鈎黨縱文致中官固暴橫召讐非無自仲弓弔張  
讓實具明哲智賈彪獲西行亦免株連累柰何清流禍  
復見有明季聲氣相應求都在危亂際

亂世多姦雄阿瞞工智譖就其小節觀似亦有可取太  
牢祭喬公千金贖蔡女周旋生死閒努力敦古處漢家  
前將軍背我奔其主縱遣戒勿追豁達明取予獨此無  
君心敢於肆陵侮牽后如牽羊徒跣下堂廡天子不能  
救三公不忍睹至今讀史人按劍有餘怒華歌安足誅

區區一腐鼠

建德一盜耳未知經世務乃其所舉動深合帝王度初從高雞泊草澤潛嘯聚旋聞破野頭弑君移國祚春秋重討賊義旗不返顧指罪殛元凶稱臣謁朝著其他鉅細事一一協舉措宮人盡放還貲寶悉散去叛奴立誅戮忠臣必禮遇視彼猶視己人心得不附具此撥亂才直可恢天步豈比黑色兒卑卑學項羽只因天眷唐眞人有驅除我謀適不用懊歎空曹嫗

王將殺令尹三泣向其子子南旣伏辜棄疾亦隨死懷光反德宗李罐不能止宿衛發父姦視死如歸耳人倫當大變忠孝無全理罐也心獨苦進退成瘡痏苟非逆

談推曷雪蒙塵恥特其已甚者殺弟斬宗祀追舒非大  
惡所寵一觀起寧不如子馮諫之或可已不然竊負逃  
亦足遠刀几藐父效愚忠吾疑楚御士

包胥乞秦師依牆晝夜哭公爲賦無衣郢都竟克復辛  
謙救泗州踴躍力尤勳始從救使請繼向令狐告義聲  
動天地血淚灑輶輶終能致援兵兼得輸鹽穀負戶突  
重圍斬鎖濟廣舳萬死出一生慷慨無挫衄淮南作保  
障孤城幸免覆事隔千餘年忠惄若相續哀哉南霽雲  
未食賀蘭肉

籬閒桃花

天氣如薰日正遲分明笑靨欲波時不知簾外春多少

昨夜先開三兩枝

春晚

等閒桃李鬪春光紫蝶黃蜂各自忙  
漫惱惱貪好景最難消受是斜陽

同人分詠史事得馬嵬二絕句

蜀山秦樹太無情紫褥蒼黃第一程  
休憶驪宮星月夜此生難係況他生

和門誰息六軍譁一死終能護翠華  
畢竟大家非好色不會並命殉梨花

戲效義山體

欲憇愁逢怒將窺笑底防春風和甲煎  
夜月泥丁香不

擬陳王枕生憎宋玉牆相思莫相見相見已無腸

爲馮桐山題擣石簷事畫蘭卷

宮詹善書兼善畫鎔書入畫筆狡猾梅花作圈竹作个  
真骨草筋隸姿態畫蘭如擷空谷芳石瘦蘚古蒼然涼  
橫披側埽隨意出紙上風露俱生香桐山少府重豪素  
攜圖欲上河西路王宰山水韋偃松惜無杜甫題佳句  
此老醉筆更神傳之後代難其真眼前好物不足珍  
嗚呼眼前好物誰能珍

夢樓寄示南詔集題後

轅門鼓角牙旗擎臨安之守尊莫敵昆明五華相嬪娟  
太守之詩妙若仙自昔升庵被謫謫斬新題遍炎荒驛

客星一去二三百秋無人吟詠山川愁君本天上鸞皇侶  
一麾典郡莊騎部手攜泰山膚寸雲句町戶戶甘霖分  
到官三載政多暇鎮日彈棋兼較射韋蘇懷抱陶謝手  
采訪詩題得未有哀牢忽地羽檄馳莽緬逆命煩

王

師飛芻輓粟征調促上馬不憂生髀肉男兒出門意氣

豪兩足曾濯滄溟濤想當據鞍吞小醜激昂時舞琉璃

刀君曾隨冊使至琉球卽今徵告里吏議得歸且歸非失計點蒼

山頭弔古詩誰其知者商寶意名盤工詩由翰林出爲郡守亦官滇南

題沈東田方伯渴睡圖時方就養京師

吳興老睡客路熟槐安徑黑甜卅載味噩夢一朝醒板  
輿就子舍寵辱心何競秋空無片雲月地天然淨平生

學踵息虛室寡將迎閉眼一肩欹垂頤雙膝凭嗒焉類  
喪我超然疑入定有恃藉神完無求本道勝古井不起  
澗古佛不滅性飯罷卽假寐睡起卽長詠游戲自在身  
此中非夢夢一切夢覺言余知不聽瑩

三韻三首

下船任船行上馬任馬走行走固船馬操縱在余手揚  
帆莫飽使揚鞭莫疾扣

鳳皇命司晨不如短尾鶲香象教升木不如長臂猿君  
子務其大曲藝非所尊

二更晚飯歸三更鞍馬懷刺半次且朱門擔雷下何  
如黑紺人栩栩蝶耶我

趙璞函舍人文哲以事罷職從軍永昌送別三首

樞庭橐筆正迴翔忽漫從戎指瘴鄉談笑偶緣溫樹洩  
風波難爲浦鷗防逐臣自昔多名士

聖主垂恩異夜郎此去暫爲軍祭酒男兒功要立沙場  
加餐書素定如何山到衡陽雁不過夜半聞雞應起舞  
酒中看劍又重磨郝隆莫作嬾閑語剽秩原當曳落河  
早晚揮豪騰露布故人也得和銓歌

請纓那復例南冠極目哀牢道路難水盡蘭滄江一線  
山通杉木徑千盤元戎開幕誥奇略舊雨聯鑰懷素歡  
謂王蘭泉慙愧柳條無可折臨歧不敢問衣單

辨事翰林詩并引

翰林無案牘紛挐之苦養志讀書泊如也有院已來凡簿書錢穀典簿攸司而掌故文書則責之待詔

憲宗朝慮掾吏之偷且隳也 命於編檢中擇才以總之名之曰辨事翰林滿漢額各二戊子秋院長署余名入告作詩解嘲

博帶峩冠論典墳  
飄蕭野鶴迥難羣  
有拋冊府詩書  
忽學官箴清慎勤入署  
傳呼終不武  
部院體制堂上官署乃喝道翰林  
開坊後則然而辨事者亦如之隨班判牘亦空文  
只應鈴索深嚴地風月瀛洲飽十分

題唐侯扳轍圖二首

并引

侯名叔度四川綿竹人雍正二年宰海寧救荒捍  
海著有善政逾年以事罷誤部民惜之爲作扳轍  
圖家彭齡老人爲之序今侯年九十餘矣養真林  
下者數十年猶及享其子之祿養非所謂廉吏不  
可爲而可爲哉令子樂宇丙戌進士爲農部郎官  
會稽父老思劉寵河內蒼生借寇恂耳熟鄉人嘗說尹  
始知故事挽畱真

四十四年傳僅事後來多少繼雙鳬休言敝邑民風悍  
不見唐侯去任圖

聞雁枕上作

多少蟲聲動暮愁  
戛哀雁警局秋尋常一種羈棲意  
爾是南征我北畱

剝棗

僵兒上樹闌如虓戛綠跳紅滿院拋乍聽圓聲流屋角  
已看病葉挂林梢無心波及鄰懸拾信手竿投鳥不巢  
傾寫忽思曾暫嗜好教熏曝入南包

丙戌之秋余與雷峯先後聞大母訃雷峯奔喪  
楚北別來兩閱歲矣頃自蜀攜眷入都同寓接  
葉亭感喜交集紀之以詩

報劉心事此生休君自星奔我媿畱今日兩家分半宅  
去年一日抵三秋那嫌鶩鴨比鄰鬧且喜兒童逐隊遊

明月綠楊無恙在好詩誰繼白江州

人去

人去流光只自增還因譚日視羞蒸涔涔但下羊雲淚  
渺渺難親樂廣冰空有聲名尊斗巒孰將心迹判淄澗  
西華葛帔淒涼甚待撫諸孤恐弗勝

木芙蓉

蓼莊葭菼倚芳叢風骨天然獨立中同是滄江清露裏  
幾枝得氣最先紅

卜雲沚前輩屬題瀟硯圖卽送之延安郡守任  
物數浩煙海人生各有癖和嶠愛蓄錢昌言愛蓄墨先  
生文學裔寶硯如寶璧端溪割紫雲一一精鑒擇縱橫

書卷旁羅列琴床側涌然鸕眼青沃若蕉葉白質堅製  
渾樸膚膩理潤澤銘言竈盤誥鏽法森矛戟珍玩意有  
餘欲覘靜者德有時哭不炊典衣尙購覓從來品硯者  
厥功勤澣滌譬彼越國姝洗紅現白皆譬彼蜀國錦濯  
江煥五色君書妙入神力振鍾王格退朝便揮灑下筆  
有典則淋漓興忽止疴瘦陵波碧方池散元雲幻作蛟  
蛇黑因之繪成圖聊以寄所適仲冬月之望 編言降  
制敕命汝守延川一麾近沙磧當年職文史三館日趨  
直雖未生鐵穿苦被陶泓役太守在收民文翰固非亟  
公餘遣情趣得句亦怡懶鄜州上郡閒杜老贋詩蹟有  
令良硯田坐受三災厄佇聽襦袴歌循良最計籍檢點

陸續裝仍載鬱林石

送雨邨歸羅江三首

憔悴羅江子臯魚血未乾月流丹旐溼雪打素車寒恨  
事漁陽谷哀聲虎背灘棘人歸僰道行路倍歌難

與爾十年友疎狂不可羣吟詩學崔立誠字擬揚雲風  
引瀛洲舶名高吏部文卷中寒瘦句酬答荷殷勤  
京華棲寓處滴翠有遺闈君所居梁家園官房爲李司農滴翠園故址見日下舊聞  
翦燭高樓坐迎門積水翻天邊斷去雁劍外冷啼猿他  
日過街巷空銷舊侶魂

鸚鵡詠

姣好紅襟鳥能令翠羽輕愛憐綠綺麗羈紮誤聰明趙

后陵風態昭君去國情香閨教私語亦解喚卿卿

自題接葉亭圖

榮遇金蓮叟曾居此畫中

張南華先生居此最久亭榜是其手書著有金蓮榮遇集

聯吟佳句在高會幾時空苔色簇新碧花枝依舊紅揭

來三十載容我占春風

貧婦歎四首

明月何徘徊流輝照屋梁綽約誰家女生小婉清揚容  
顏耀朝采顧步馳精光十三理刀尺十四調笙簧十五  
學機杼縫素成文章十六誦詩書禮儀罔不臧女子不  
踰閨空閨日夜藏戢身事阿母形影相扶將下堂偕保  
姆鳴佩聲鏘鏘願爲青松枝嶠蒨依高岡不作桃李花

飄零委道旁獨處清且閑盛年殊未央

東隣富家兒錢帛猗頓流西鄰貧家子文采班揚儔偏  
袒匪不易所憂吟白頭人生如轉燭光輝難自由不見  
同里女一笑千金酬嬌春預妙選嚴妝謁靈修鸞軒玉  
作輪鳳蓋珠爲旛兄拜侍中郎父爵關內侯歟睡成雨  
露是非安所尤一朝涼吹至坐怨梧宮秋旦夕不自保  
況爲骨肉憂感此勿能決彷徨思悠悠

彷徨亦何爲行適西家閨結髮事君子兩情恩愛初丈  
夫當游學那復戀妻孥妾能代子職黽勉奉君姑膏沐  
罷梳洗井臼操拮据羹湯旣識性甘旨唯所須宗親莫  
能顧瓶甕鮮寸儲鬻我繡羅襦典我明月珠珠襦亦已

盡截髮換生魚辛苦爲辨護但博高堂娛富家婦驕貴  
貧家婦勤劬勤劬亦不惜婦道當何如

有家盡婦道三歲勞寢興翠袖不爲薄蛾眉敢自矜眾  
女善謠詠被余不潔名所天苟弗察驅遣理亦應保護  
賴夫子媒孽無由生恩愛雖獲全自顧還屏營衣裳衣  
匪澣令人體不寧磐石無反側井水深且激素絲弗羨  
染修竹弗改青終朝采柏子揮袖盈芳馨夜半禮北斗  
圓靈粲眾星寄言謝阿母貧婦難爲情

五襍組七首

五襍組星斗文往復還日月輪不得已扣富門  
五襍組舟中被往復還驛中騎不得已陰懷刺

五襍組新人車往復還故人書不得已離心居

五襍組迴文章往復還相思腸不得已守空床

五襍組徐黃手往復還蘇張口不得已作新婦

五襍組羽畎翟往復還連城璧不得已望夫石

五襍組舞者衣往復還織者機不得已熱客歸

南唐十首

齊雲船去利空潮水上檀來唱已遙點檢漫誇安臥榻  
也曾鼾睡世宗朝

琵琶鳳觜續朱絲聽到霓裳枉自悲金縷軟安香國裏  
姍姍初不恨來遲

碧玻瓈酌紫風流桃李風過著體柔輸與鉏筒梅影好

紅綃微晉月華浮

瓊珞周垂寶飾勻舞衣天水碧裁新蓮中花上雲中月  
想像陵波步宓神

橫曳漫天赤白羅年年延巧狀銀河千秋果有長生分  
費盡江南舉國梭

似曾預識餌牽機卷帛如何顫筆揮癡殺舍人真措大  
欲將秋水解軍圍

自古從無兒戲兵量江界限早分明黃花水縮浮梁起  
只聽沿隄梵唄聲

檢校澄心內史才夜分光政殿猶開豈眞周孔能爲厲  
萬軸牙籤變爐灰

千艘無復打標雄隨虎歸朝識已終香夢若愁迴故土  
也教宛轉障屏風

石頭城灑淚痕斑忍對櫻桃一破顏昨夜小樓風又起  
更無人唱念家山

送鮑雅堂之鍾歸丹徒兼寄夢樓

昔聞雅堂名今識雅堂面耳目似不謀所間弗如見承  
家有毛羽下筆工文翰立於同輩中玉樹一枝現前年  
賦迎鑾嘉頌邀華選今年舉進士射策南薰殿負此  
卓犖才共許瓊林冠登之著作堂豈不儕羣彥美人保  
嬪娟修眉自銜聲病不加檢轉喉遂發難諱疑晉肅  
嫌跡類堯咨薦穿楊射徒精垂手舞空善

聖人達四聰臣分當嚴謹已寬慧以誅敢抱芙蓉怨俯  
慙筆陣疎仰視雲衣變幡然返故鄉暫息霜蹄健嗟余  
拓落姿文拙姓名賤所幸二三子包蒙還激勸自與君  
訂交磁鐵性無叛握手能幾時遽起參商歎身世本浮  
雲功名同掣電君歸浮玉陽卷軸供點竄名山自有業  
何必頭銜戀倘遇素心人爲余道繾綣

錢香樹先生書九十詩仙謠惠寄謠壽歸恩沈  
尚書而作也感荷弗勝卽繹謠中意爲謝二首  
秀州吳下兩尚書當日朝端得水魚嘉禮祥刑同曳  
履引年示疾各懸車還鄉嚶喧頻仍問封事謀猷密  
勿攄無量恩光無量壽苟陳家世可能如

疏傅歸來枕石泉潞公已過杖朝年祿優大老叨雙俸  
二公在籍食俸詩二老天下之大老御賜詩和天章近萬篇楷法寄從  
煙雨外和聲如傍景卿邊典刑此日誇難得畱與兒孫  
璧抵千

秋夜亭上

木葉亭臯露氣清夜闌衣上嫩涼生新簾弄月出幽翠  
螢火向人時一明

七月廿六日嵇晴軒前輩移尊亭上招同事諸  
公讌集翼日以詩見示次韵

論事憐余少不更諸公雅望盡觥觥偶貪竹色因移席  
爲少機心可對枰入座翻教賓作主選秋難得雨初晴

紅塵何自尋青鬢冰擣頭銜一例清

病中簡查表兄蒼林祖香時查亦苦痢

叔展鞠

平聲

窮欲覓難懿親相望瘦樂樂若論年力余差

少同是天涯子更單存問奚奴如組織拜嘉藥物勝金丹閒身那有心情病

樂天詩

身閒當

將彈指中秋月照

闌

謝晴軒餉蒲萄二首

昔人傳後無生產奴長千頭足自豪莫道相門遺業少

已看三世喫蒲萄

晴軒謂文敏公

時已有此種

對衡臭味喜相親往往分甘到比鄰昨日綠雲牆外望  
冷然齒頰已回津

襄頭錯落下珠璣學得涼州釀法稀準待黃泥封坼後  
邀君輭飽療嘲饑昨貽句云尚容携

腹喫蒲萄故戲之

中秋月

金盆玉盤人所識挹以酒漿盛不得古時靈鏡飛上天  
仍爲後世照容顏吟詩我笑杜陵老幻想入雲太縹渺  
若教砍桂光更多不聞抉瞳明愈瞭麤才收之尤繆悠  
孤單忽替嫦娥愁似此絕代好姿格人間匹配何從求  
我欲御風朝仙闕聳身抖擻塵埃骨不須宛轉躡虹橋  
已覺冰壺浸毛髮

十六夜月

端正穹霄月還如昨夜看光多周地易輪重出山難乍

洗眸逾炯經磨鏡尚完中秋不長好吟賞到更闌

十七夜月

待到昏黃候依然照萬家却惜修戶手畱得斧痕斜半老嬪娟女將殘婀娜花衰機伏於盛物理總無差

十八夜月

秋半剛三日輪虧已二分夜深涼似水天老淡無雲桂子何時落潮聲不可聞樓頭悲少婦夫婿正從軍

雨中秦芝之軒贊善邀集陶然亭歸途至永樂菴

看菊二首

昨夜西風太作<sub>去聲</sub>涼聯鞍乘雨賞秋心同人于野叨賢主有酒如澑趁晚香一日澤容商蠟展百年亭慣閱飛

觴休文也 訪清狂客只解關門對孟光

沈闡峯屢不赴會故調之

薄陰新霽景難摹溼翠西來未及郭不礙狂風猶落帽偶逢積水當看湖飄林葉似髮初脫穿荻草疑舟可呼扶醉尋芳君莫笑菊花開後百花無

送同年眉賓

善聽

赴盛京工部主事二首

望如龍虎五雲端

王制陪京儼百官

自古水曹屬才子

當關月色照長安  
瀋河闊波聲壯松杏山高石骨寒足遺詩懷愈豪健馬蹄穩踏路千盤

鈴索年來伴直多唱酬往往似羊何三清典冊論中祕

十載天街憶大羅文字白圭寧有玷交情古井已無波

瀛洲終待眞靈泊風引船迴別處過

君由庶吉士改官滿洲科甲出身者

例得仍  
遷翰林

贈蓬心

鬢也風流絕可師。屢空時抱在陳危晨窺破窗魚生釜。  
夜檢空箱鼠齧詩。

君有鼠餘集

屏首偏爲無事飲虎頭。惟作

有情癡蕭奴。逸去朱絲絕。眞本雖多鬢恐絲。

君有僕沙性者善畫

每爲主人代筆近逃去

十月初旬蕉花猶開

葉葉陵風已半摧。霜刀翦縷一叢開。殷勤喚取紅紗護。  
恐有夜深蝙蝠來。

晚望

白雲不上天。徘徊似魯縞。欲遮明月光。忽被西風埽。

問鏡

爲妾問嬪娟郎真那日還朝朝卿見我可似別時顏

夢游仙曲

仙人宮闕蓬萊島玉笛金簫開窈窕海雲湧洞屏風表  
北斗磊落青天小蠶眠密字求之杳不如夢見之御風  
身縹渺鷄三鳴天下曉

蔣心餘前輩有京師新樂府十四首爲補八篇

開溝

五城煙火居民稠洿池渟積惡不流春深疏掘洩地脈  
街頭巷尾開官溝御史華軒換鞍馬辟人奪隘何都雅  
擔夫攔路避不得窮途橫辱鞭笞下百官朝謁趨正陽

門名欲南反北紆迴翔雙輪只愁納陷阱九軌何處尋康莊吏胥乘機竊操縱遲開早蓋須錢送東家豪富西家貧糞土如山壓檐棟去年開溝風日晴今年霪雨無時停路旁有人正蹙額道是閬中新墨出

諺云臭溝  
開會墨出

搭棚

經天果日紅於火疑是請君入甕坐鬱蒸何計避驕陽  
葦席秫簾安帖妥棚匠棚匠達且挑緣杙不殊升木猱  
手縫繩索口習唱非謠非曲長呼號須臾漫空高兀兀  
轉如轆轤滑如笏掩處難窺咫尺天卷時恰可惺忪月  
寓庭老樹十數株屋檐嘉蔭承扶疎清風不費一錢買  
暑氣能令三伏蘇寄言爾匠休索直我心自有水精城

他時解組歸田畊老農夜話松毛棚

賣花

豐臺芍藥賤如土狼籍泥塗不可數原田鹵莽種千枝  
天遣花開富老圃東風一夜吹芳馨陵晨捆載挑入城  
紫莧王瓜同壓擔花匠那識花娉婷因思造物太草草  
位置名葩亦顛倒南人愛花花不香北人賤花花偏好  
中書省裏翻階時繡幕金幃爭護持託根失所難自惜  
上天風露寧有私買將香豔供吟榻作詩懶花花不答  
人間萬事盡如花誰登綺席誰泥沙

浴象

象奴牧象如牧豕騎背巍峩聽指使錦羈立仗備朝儀

暇日飯芻夏屋裏宣武城河新漲高老象要刷驪皮毛  
炎天牽出內之浴屹如山立揚洪濤鬱環歛欵風雨疾  
玉齒丫叉疑淬鐵牡升牝降波爲渾翻身壓倒龍鼉窟  
爬羅剔抉光晶瑩掀天而起四柱檣日斜暴向柳陰畔  
撞鼻忽爲靄鼓鳴靚妝袵服縱觀者傍水樓窗盡妖冶  
目迷舌咤南土人認作負圖之龍馬

廟市

東西二廟 皇城中三七下九百貨充祇林一霎變闔  
闔觀者鞍馬如游龍日中交易各得所貴自珠璣賤秬  
粃良窳蚩眩襍沸騰汝曹何異搬薑鼠衣包開緝列布  
幬百金之錦千金裘幾人高立唱佑直男披女服聲咿

嘎舞錚弄盆作遊戲都向廣場來獻技腐儒屏立盱且咍若使鬻文遭唾棄布金買地頃刻閒席卷而去如雲煙清淨趨佛利趨賈夜半須防龍象怒

冰盞

六街市兒負販微搖鈴考鼓呼嗁齊殘宵平旦倍聒耳或似咿唔或勃窣祝融炎威張火繖行人流汗衣如澣前衢後巷絕無聲獨聽錚錚鳴響盞非宮非商何自鳴不費涕唾知賣冰冰湯滌暑更蘇渴石髓瓊漿無此清梅子仁兼蓮子薏苡藥玫瑰香脈脈調和而進色味殊涼椀水精養虎魄夢餘午睡聞沖沖不覺兩腋生清風義御迴鞭到寅餞響盞一時等園扇

煤黑子

不舌不食獨業煤刻箱爲矩雙木胎搏沙合土響閣閣  
東方未明羅滿階黝然而黑黥其面素衣化縑墨食練  
幾令毛髮不辨人門庭藩溷皆塗炭土晉自操秦晉風  
肩挑背負竈養同有時煤貴暗偷減三錢定價無欺蒙  
采煤或自西山歸羊裘反衣長鞭麾堆兵望見喜動色  
沿車求索供晨炊黑子黑子何太苦尚元守黑老塵土  
質明車馬亂似梭城外低昂騎駱駝

火判官

試燈風裏火樹搖廟門夜點人魚膏彷彿郿塢然脂夕  
氣燄燭天毛髮焦黑墳爲體塗以赭狀似泰山治鬼者

馬通石炭因其臀頂上放光眼出火荆磞越鬼事不經  
閃閃爍爍流鶴星長人土伯果有靈何辜加以炮烙刑  
魋顏凹凸戾煤補血口如盆煙霧吐燐頭爛額但由人  
死生枉向幽都主兒戲何如聚雪爲前身已是昆明灰  
五更風雨颯然至又恐摧頽入溷廁

寄秋帆秦州

時畢方焯凶

商風欲翻柿葉時鰥鰥羈緒住仇池似舅果是何無忌  
君爲張少儀  
觀察之甥  
治獄何如雋不疑三館鶯花漫相憶五湖  
鷄黍空所期樓頭聽雨不可得君官京師日  
居聽雨樓早晚寄我

秦州詩

喜聞官軍定緬紀事八首

聖朝草木亦知威下國共球遍九圍天馬羣祿回鶻順  
旅獒底貢冉駕歸雲臺煙閣頻圖像朔雪炎風罷采薇  
何事泮林鶲未革裏鳩江外尚戎衣

控撫全憑坐鎮臣綠章無那大言陳伏戎于莽原蠻觸  
聲罪由天等笑顰默啜何難防戎已支祁不過守庚辰  
可知蜂蠻能多毒螫手偏傷壯士身

獨當矢石殷全師傳說嫖姚撤陣時但使相機終埽穴  
幾曾失律竟興尸虎牙頓道幸難追猿臂行軍數本奇  
鐵馬金戈生氣在只餘鐘鼎溢銘詞

玉帳牙旗出上公勲高曾是闢蠶叢指南萬里魚逢  
水逐北三軍虎嘯風辛苦線痕衫待綻蒼黃棋劫局須

終休言蒙舍山川險總在宵分 廟算中

密箐深厓徑未譖一陽生後瘴回嵐奇鶴傳翼頭偏九  
狹免逃蹤窟更三靖遠麓川皆惡境伏波浪泊只常談  
却聞水陸新街外將士持糧搏戰酣

容易窮搜阿瓦城款關原可聽輸情戈橫鐵壁雷霆壯  
旗閃金江日月明且緩樓蘭終對簿官教細柳漫屯兵  
人懷敵愾猶思奮僕射真如我父兄

天街畢昴埽櫬槍氛祲潛消我武揚孟獲終身馴葛亮  
單于本意畏王商但收蝗斧羈縻域不試蟲沙瘴癘鄉  
控制懷柔皆睿斷已看霜露遍遐荒

一經拱養走去聲先執梃前驅蠻夷連香象謹纓充貢

物貝多裁葉寫降箋羣蠻涕淚觀 恩詔從古西南有  
漏天服則赦之難則退忠良好在議安邊

歲暮書懷

竊祿何辭本分官消閒經籍費鉛丹讀書纔信童時易  
忍事偏於醉後難衣上繙塵初服改鏡中青鬢幾年看  
大椿歲已周花甲有子仍慙菽水歡

題尹公子

慶霖侍衛雨林圖

道士揮豪勢卽離模糊筆底黑蛟垂恰當相國爲霖日  
寫出郎君聽雨時滌滌寒雲圍疊嶂沈沈匹練挂疏枝  
平原射獵歸來晚放下雕弓賦小詩

萬柳堂

畏吾廉孟子佳讌此停車無復眠腰桺空憐解語花王  
孫猶寂寞詞客漫咨嗟觴詠今誰繼低徊執政家

蓋都  
毅公亦有萬柳堂集鴻博諸

公禊詠者似非希憲舊蹟

同福欽文庶子秦芝軒侍講嵇晴軒沈閬峯秦

端厓福景堂諸編修各攜酒榼集瀛洲亭賞海

棠分體得五言長律

祕省承華蓋同人萃玉堂神仙都有宅翰墨詎無場塵  
境天然隔韶光分外儕從來誰管領數見轉尋常地本  
三霄近才皆八斗強微之誇太區點也咏難忘院靜如  
山寺花深又海棠東皇宣紫詔西府報紅妝各有招要  
興頻迴錦繡腸詩能衝<sub>去</sub>口出酒豈入屑傷饋食謀中

饋鄉肴擅異鄉咄嗟同鬪草攜取笑探囊味要俟鯈製

珍容禁繡嘗出筐愁複疊下箸聽評量會合名蝴蝶

士大夫遊禊各攜酒餌謂之蝴蝶會壺楪之訛也京師

池原集鳳皇共開亭四角宛

在水中央面面輕紗拓絲絲弱柳妨龍噴看瀑布魚樂  
想濠梁禮矣嬋娟妥時哉嫵婉良真圓石步障疑對漢

宮嬌列坐無賓主雄譚半老蒼源流搜掌故宗派辨文  
章志合膠投漆聲和瑟應簧輩仍先後序道以切偲臧  
直恐麤官妬休嫌小子狂句畱餘薄醉消受趁斜陽佳  
話流傳否新篇屬和忼春風能幾日續謙出門商

西苑退直歸途遊萬壽寺閣前白松七株奇秀  
可愛出寺門迤東而步聽廣源閘水淙淙然亦

一勝也同遊者爲福欽文景堂秦漪園端厓吳  
蓉堂諸子

乍下離宮直轔轔車轂從樹深禽語暗泥潤馬蹄鬆  
寶刹祥名錫慈燈內苑供道紆頻叩策人倦忽聞鐘本  
爲求邱壑非關禮象龍精藍廟貌儼飛白 御書重鶯  
嶺三生石獅林五百峯一拳分天矯具體得橫縱信步  
穿幽洞擡頭見列松長風萬里至蒼雪百年封有蓋鬢  
俱古不鱗皮更濃撼搖前殿震僊僥別枝恭天影澹相  
與濤聲寒欲衝耳謀貪謾謾心定息憧憧出寺神猶王  
沿堤興未慵波恬皴漲活色膩潑醅釀勢挾迴瀾利占  
嫌過涉凶環橋當急鴻浸板束懸淙直是晶簾挂渾疑

瀑布逢玉泉來混混瓊島去溶溶飄灑霑微雨流連到  
下春鞭絲颺士稚巾角塾林宗中路餘樓閣連朝趁蝶  
蜂諸公才調富好爲紀遊蹤

敬承堂耆會謠爲李太守

宗袁

作座中百歲老

人則曹君錫也

吾聞紫微之垣弧南星應時而見主治平又聞仲弓往  
造季和所太史上奏德星聚唐虞歌喜起降康罕其比  
是時擊壤者純固享遐祉熙朝斂福敷錫均氣麗典  
茂風俗淳堯封禹甸多壽民京畿食德先去聲九垠沐日  
浴月肌體親一鄉鯈耆得廿人曹翁齡滿百人瑞領耆  
碩有詔旌門閭綽楔何奕奕梧州太守民之望寄家

日下葵傾陽高年盛德萃其堂門生扶輿孫曾將耳聰  
目明履考祥肩隨齒讓如雁行執醬洗爵禮有常商山  
四皓香山九賢番番黃髮杖屢紛然神仙服食正如此  
松喬偓佺徒浪傳方今鶴算古稀有景祚延洪昊況  
厚今年花甲慶

聖人明年丁巳祝

文母羣老者晉嵩嶽爲芝觴斟瀛海爲春酒齊戒扶鳩  
再拜稽首曰臣君錫等二十有一人共年一千八百歲  
敢伏關下來獻億萬無疆壽